

Ministarstvo zdravstva Kantona Sarajevo (u daljem tekstu: Ministarstvo), kojeg zastupa Prof. dr. Rusmir Mesihović, Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

JU Apoteke Sarajevo (u daljem tekstu: JUAS), koje zastupa mr.ph. MBA Nedim Hrelja, Generalni direktor

PZU Dina (u daljem tekstu: Apoteka Dina), koju zastupa mr.ph spec. Elvedina Kapetanović, Direktor

PZU Bardakčije (u daljem tekstu: Apoteka Bardakčije), koju zastupa mr.ph spec. Fatima Hadžihasanović-Kršo, Direktor

Zaključili su

PROTOKOL
o realizaciji programa obezbjeđenja enteralne prehrane za djecu
za period 01.04.2020. – 31.12.2020. godine

Član 1.

Zavod zdravstvenog osiguranja Kantona Sarajevo će za osigurana lica (djecu) na teret sredstava obaveznog zdravstvenog osiguranja obezbjeđiti slijedeću enteralnu prehranu:

Naziv proizvoda	VPC
Nutridrink a 200 ml	3,46
Nutridrink MF (za djecu od 1-6 godina)	3,46
Nutrison standard a 500 ml	5,67
Nutrison energy a 500 ml	6,65
Fresubin Protein Energy Drink 200 ml	3,12
Nutrixa 200 ml	3,60
Nutribel 200 ml	3,65
Fresubin Energy Drink 200 ml	2,48
Fresubin Energy Fibre Neutral 500 ml	6,38
Frebini Energy (fibre) 200 ml EB	2,92
Fresubin HP energy 500 ml	4,95
Fresubin Original 500 ml	4,43
Survimed OPD Vanilla 200 ml	3,93
Infantrini 200 ml	6,20

Učešće Zavoda u utvrđenoj cijeni lijeka iznosi 100 %.



Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 6 mjeseci (navedeni uslov provjerava Zavod).

Za osiguranike do 6 mjeseci starosti, obaveza kontinuirane prijave na obavezno zdravstveno osiguranje u Kantonu Sarajevo se računa neposredno od rođenja osiguranika.

Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.

Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stavova 1. i 2. ovog člana.

Član 3.

Indikacije za propisivanje enteralne prehrane iz člana 1. za djecu su:

- postavljena perkutana endoskopska gastrostoma - PEG ili postavljena nazoenteralna sonda
- kongentalne anomalije gornjeg dijela gastrointestinalnog trakta
- karcinom usta
- karcinomi glave i vrata
- kod mehaničkog oštećenja i nemogućnosti gutanja
- mehanička ventilacija
- cistična fibroza
- sindrom kratkog crijeva
- inflamatorna bolest crijeva
- poremećaj gastrointestinalnog motiliteta
- hronična bolest organa – bubrezi, srce, jetra
- inflamatorna bolest crijeva (Cronova bolest i ulcerozni colitis)
- anorexia nervosa
- fenilketonurija

Član 4.

Ovlašteni ljekar za propisivanje lijekova iz člana 1. prema indikacijama iz člana 3. su ljekari Pedijatrijske klinike KCUS:

- Dr. Melunović Melika
- Prim. dr. Edina Kovač
- Dr. Samra Rahmanović
- Dr. Ismail Lutolli

Zavod i KCUS mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku enteralne prehrane po ovom Protokolu.



Član 5.

Do uspostave propisivanja elektronskog recepta, ovlaštenim ljekarima iz člana 4. Protokola Zavod zdravstvenog osiguranja Kantona Sarajevo će dostavljati papirne recepte na kojima će se vršiti propisivanje enteralne prehrane.

U roku od 30 kalendarskih dana od dana potpisivanja ovog Protokola, KCUS se obavezuje obezbijediti odgovarajuće informatičke resurse za ljekare propisivače iz člana 4. (računar, mreža i sl.) kako bi se propisivanje i izdavanje enteralne prehrane koji se obezbjeđuju putem ovog Protokola moglo obavljati putem elektronskog recepta (eRecept i eTerapija).

Zavod će obezbijediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivaču prilikom rada u integralnom informacionom sistemu.

Član 6.

Propisane recepte osiguranici će moći realizovati u slijedećim apotekama:

- *JUAS – Apoteka Mejtaš, ulica Čekaluša broj 29*
- *Apoteka Dina, ulica Bulevar Meše Selimovića bb*
- *Apoteka Bardakčije, ulica Bardakčije broj 18*

Navedene apoteke se obavezuju da će obezbijediti navedene proizvode za enteralnu prehranu u potrebnim količinama i iste fakturisati Zavodu, po cijenama i načinu utvrđenim članom 1. ovog Protokola.

Član 7.

Saglasnost za uvođenje u Protokol osiguranicima daje Zavod, po pismenom zahtjevu KCUS, a na osnovu prijedloga Pedijatrijske klinike, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.

Član 8.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje enteralne prehrane koji se obezbjeđuju po osnovu ovog Protokola.

Član 9.

Ovaj Protokol se zaključuje na period od 01.04.2020. do 31.12.2020. godine.

Član 10.

Zavod zadržava pravo izmjene cijena u toku trajanja Protokola, o čemu će obavijestiti ugovorne apoteke.

Član 11.

Ovaj Protokol sačinjen je u šest (6) istovjetnih primjeraka od kojih svaki potpisnik zadržava po jedan (1) primjerak.

Sarajevo, 31.03.2020.godine

Ministarstvo Zdravstva Kantona Sarajevo
KANTON SARAJEVO

Broj: 10-33-9494/20

Zavod zdravstvenog osiguranja
Kantona Sarajevo

Klinički centar Univerziteta Sarajevo

JU Apoteka Sarajevo

PZU Dina

PZU Bardakčije

Prof. dr. Rusmir Mesihović 10-33-9494/20

Šakir Katana dipl. oec.

dr. Sabina Izetbegović 01-03-1102/20 02-04-2020

mr.ph. MBA Nadim Hrelja

mr.ph spec. Elvedina Kapetanović

mr.ph spec. Fatima Hadžinašević-Kršo